

### Oblici sukoba interesa:

- 1) Stvarni (utiče) – postoji *stvarno miješanje* između zvanične javne funkcije i privatnog interesa
- 2) Prividni/percipirani (može uticati) – *čini se* da postoji stvarno miješanje između zvanične javne funkcije i privatnog interesa
- 3) Potencijalni (stvara se utisak da utiče) – trenutno ne postoji stvarni sukob interesa, ali se on može *razumno očekivati* u budućnosti

### Nosilac javne funkcije dužan je:

Transparentno obavljati javnu funkciju

Štititi javni interes i ne stavljati ga iznad svog privatnog interesa i interesa s njim povezanih lica

Pridržavati se načela odgovornosti, poštenja, savjesnosti

Koristiti povjerenu imovinu, sredstva za rad i finansijska sredstva isključivo u svrhu za koju su namijenjeni

Postupati zakonito, efikasno, nepristrasno i časno

Obavljati samo jednu javnu funkciju na nivou vlasti BiH

### DUŽNOSTI/OBAVEZE ORGANA ILI INSTITUCIJA I NOSILACA JAVNE FUNKCIJE

Organ ili institucija Distrikta ili pravno lice koje osniva Distrikt, u kojem nosilac javne funkcije obavlja javnu funkciju, **dužno je obavijestiti Komisiju o početku, odnosno prestanku** obavljanja javne funkcije nosioca javne funkcije, **u roku od 15 (petnaest) dana** od dana početka, odnosno prestanka obavljanja javne funkcije.

Nosilac javne funkcije dužan je, u roku od 30 (trideset) dana od dana stupanja na javnu funkciju, podnijeti Komisiji **Izvještaj**, za sebe i bračnog (vanbračnog) druga, djecu, druge članove porodičnog domaćinstva kao i lica prema kojim nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan.

Nosilac javne funkcije u toku obavljanja javne funkcije **dužan je** podnijeti:

**a) ažurirani Izvještaj** jednom godišnje, do 31. marta tekuće godine za prethodnu godinu;

**b) dopunu Izvještaja** za svaku promjenu iz člana 19. stava (2) Zakona o sprečavanju sukoba interesa u institucijama Brčko distrikta BiH, kao i u slučaju promjena sadržaja Izvještaja koje se odnose na uvećanje imovine po bilo kojem osnovu u iznosu većem od 10.000,00 KM, u roku od 30 (trideset) dana od dana nastanka promjene;

**c) ažuriran Izvještaj na zahtjev Komisije**, u roku od 30 (trideset) dana od dana prijema zahtjeva.

Nosilac javne funkcije **dužan je podnositi Izvještaj dvije godine nakon prestanka obavljanja funkcije**, i to jednom godišnje, do 31. marta tekuće godine za prethodnu godinu.

Nosilac javne funkcije **dužan je dostaviti Komisiji u roku od 30 (trideset) dana od dana prestanka obavljanja javne funkcije obavještenje o prestanku obavljanja javne funkcije i Izvještaj**. Nosilac javne funkcije **dužan je prijaviti i predati Komisiji poklon iznad vrijednosti od 200,00 KM**, u roku od 5 (pet) dana od dana prijema poklona.

### NESPOJIVOST

**Članstvo u organima upravljanja, nadzora i rukovođenja** u pravnim licima koja su osnovana od strane organa i institucija **na bilo kojem nivou vlasti u BiH, nespojivo** je s obavljanjem javne funkcije.

Nosilac javne funkcije **podnosi ostavku na svaku od nespojivih i nedozvoljenih funkcija** najkasnije u roku od **tridana** od dana preuzimanja javne funkcije.

U slučaju da nosilac javne funkcije **obavlja nespojive i nedopuštene radnje u privatnom preduzeću dužan je:**

**1) u roku od tri dana** od dana preuzimanja javne funkcije, **podnijeti ostavku,**

**2) prijaviti finansijski interes,**

**3) prenijeti upravljačka prava veća od 0,5%** na lice koje **nije povezano** s nosiocem javne funkcije

**4) ne poslovati** sa institucijom u kojoj obavlja funkciju **Ograničenja** pod tačkom 2) i 4) odnose se i na **člana uže porodice**.

Nosiocu javne funkcije **zabranjeno je:**

- primiti, zahtijevati ili prihvatiti poklon čija je vrijednost **veća od 200,00 KM**, radi obavljanje javne funkcije i glasanja obilo kojem pitanju

- **uticati** na dobijanje poslova ili ugovora o javnim nabavkama

- **privilegovati osobe** radi stranačkog ili drugog opredjeljenja ili radi porijekla, ličnih ili porodičnih veza

- **koristiti povlaštene informacije** o radu institucija radilične koristi ili koristi povezanih lica

- **koristiti svoj položaj** kako bi uticali na organe vlasti u BiH radi ostvarenja privatnog interesa

- **obećati zaposlenje** ili neko drugo pravo u zamjenu za poklon ili obećanje poklona

- **odbiti uvid** u svoje finansijsko stanje prilikom provjere sadržaja Izvještaja o imovinskom stanju

Nosilac javne funkcije **ne može učestvovati u procesu odlučivanja** niti glasati po bilo kojem pitanju koje nosioca javne funkcije stavlja u sukob interesa što uključuje pitanja koja se direktno i indirektno tiču privatnog preduzeća u kojem taj nosilac javne funkcije ili s njim povezano lice **ima finansijski i drugi interes**, te bilo kojem drugom pitanju koje se direktno ili indirektno tiče povezanog lica.

Nosilac javne funkcije **ne može koristiti javne resurse** koje ima na raspolaganju prilikom obavljanja javne funkcije za **promociju političkih stranaka, odnosno političkih subjekata i u lične svrhe**.

Zapošljavanje člana uže porodice u istom organu vlasti u kojem nosilac javne funkcije obavlja dužnost ili u organu nad čijim radom vrši direktan nadzor **predstavlja sukob interesa** nosioca javne funkcije.

Nosilac javne funkcije **ne smije koristiti svoj položaj za privilegovanje povezanih lica** pri zapošljavanju i ostvarivanju njihovih drugih prava iz radno-pravnog odnosa.

## KONTAKT

Komisija-Povjerenstvo za odlučivanje o sukobu interesa

Trg mladih 8, Zona 1A, drugi sprat 76100 Brčko  
[www.sukobinteresabd.ba](http://www.sukobinteresabd.ba) [info@sukobinteresabd.ba](mailto:info@sukobinteresabd.ba) Tel:  
049 490 135

Admira Mujić, predsjednik Komisije  
[admira.mujić@sukobinteresabd.ba](mailto:admira.mujić@sukobinteresabd.ba) Tel:  
049 490 136

Ružica Marković, član Komisije  
[ruzica.markovic@sukobinteresabd.ba](mailto:ruzica.markovic@sukobinteresabd.ba)  
Tel: 049 490 138

Lepa Božić, član Komisije  
[lepa.bozic@sukobinteresabd.ba](mailto:lepa.bozic@sukobinteresabd.ba)  
Tel: 049/490-137

Emina Karamujić, Mira-  
Mirela Đaković, Đurđija  
Trifković

– viši stručni saradnici za sukob interesa Tel:  
049/490-135

**Registar nosilaca javnih funkcija, Registar imovine nosilaca javne funkcije i Registar poklona-obraci**  
na stranici Komisije [www.sukobinteresabd.ba](http://www.sukobinteresabd.ba)

Bosna i Hercegovina  
**BRČKO DISTRIKT**  
**BOSNE I HERCEGOVINE**  
Komisija-Povjerenstvo za odlučivanje  
o sukobu interesa



Босна и Херцеговина  
**БРЧКО ДИСТРИКТ**  
**БОСНЕ И ХЕРЦЕГОВИНЕ**  
Комисија за одлучивање о  
сукобу интереса

## VAŽNE INFORMACIJE

**Zakon o sprječavanju sukoba interesa u institucijama Brčko distrikta BiH** definiše sukob interesa kao situaciju u kojoj su privatni interesi nosioca javne funkcije u suprotnosti s javnim interesom

**Nosilac javne funkcije** je svako izabrano ili imenovano lice u organima i institucijama Brčko distrikta BiH, javnim preduzećima, javnim ustanovama, fondovima, zavodima, pravnim licima kojima je povjereno vršenje javnog ovlaštenja i drugim pravnim licima koje je osnovao Brčko distrikt BiH, lice na čiji izbor ili imenovanje saglasnost daje Skupština, odnosno Vlada Brčko distrikta BiH

**Povezano lice** je član uže porodice, srodnik u pravoj liniji, srodniku pobočnoj liniji do trećeg stepena, srodnik po tazbini do drugog stepena, dijete bračnog druga ili bilo koje pravno ili fizičko lice koje je s nosiocem javne funkcije u ličnoj, političkoj, ekonomskoj ili drugoj vezi koja utiče ili bi mogla uticati na objektivnost i nepristrasnost u radu nosioca javne funkcije

**Član uže porodice** je bračni i vanbračni drug, usvojitelj, usvojenik, dijete, majka i otac nosioca javne funkcije, odnosno lice prema kome nosilac javne funkcije ima zakonsku obavezu izdržavanja

**Finansijski interes** je:

- 1) interes kojim se nosiocu javne funkcije omogućava da primi novac u vrijednosti većoj od 1.000,00 KM godišnje
- 2) vlasnički interes koji ima nosilac javne funkcije, koji odgovara vrijednosti od najmanje 10.000,00 KM u poslovnom subjektu

**Privatni interes** je bilo kakva ostvarena ili moguća korist ili pogodnost za nosioca javne funkcije ili s njim povezanog lica **NOSILAC JAVNE FUNKCIJE U SLUČAJU DVOJBE/DILEME DA LI ODREĐENA OKOLNOST ILI AKTIVNOST PREDSTAVLJA SUKOB INTERESA, MOŽE ZATRAŽITI MIŠLJENJE KOMISIJE ZA ODLUČIVANJE O SUKOBU INTERESA**